

Ordinaziun davart la sistida dals termins per las iniziativas dal pievel ed ils referendums sin plaun chantunal e communal, en las corporaziuns da vischnancas ed en las regiuns

Dals 31-03-2020

Relaschs tangads da questa fatschenta (numers dal DG)

Nov: –

Midà: –

Aboli: –

Sa basond sin l'art. 48 da la Constituziun chantunala

relaschada da la Regenza ils 31 da mars 2020

I.

Art. 1 Sistida dals termins

¹ Ils termins legals per inoltrar glistas da sutscrizziuns per ina iniziativa dal pievel tenor l'artitgel 60 da la Lescha davart ils dretgs politics en il chantun Grischun (LDPC) e per inoltrar ina iniziativa communal tenor l'artitgel 66 LDPC vegnan sistids.

² Ils termins da referendum tenor l'artitgel 81 LDPC (referendum dal pievel) e tenor l'artitgel 87 LDPC (referendum communal) vegnan sistids, sch'i vegn annunziada en scrit a la Chanzlia chantunala – il pli tard 5 dis suenter la publicaziun da questa ordinaziun u fin il pli tard 5 dis suenter la publicaziun d'in nov conclus dal Cussegl grond che sottastat al referendum facultativ – l'intenziun da rimnar sutscrizziuns respectivamain da far in referendum communal.

Art. 2 Exclusioniun d'acts processuals

¹ Durant la sistida dals termins na vegnan betg exequids ils suandants acts:

- a) examinaziun preliminar, deposit e publicaziun d'iniziativas (art. 55 ed art. 56 LDPC sco er art. 64 ed art. 65 LDPC);
- b) inoltraziun d'iniziativas u da referendums (art. 60 ed art. 81 LDPC sco er art. 66 ed art. 87 LDPC);
- c) decisiun davart la reussida d'iniziativas u da referendums (art. 61 ed art. 66 LDPC sco er art. 82 ed art. 88 LDPC);
- d) votaziuns dal pievel davart iniziativas u davart referendums.

² La Regenza po fixar in termin da votaziun malgrà la sistida dals termins.

Art. 3 Scumond da rimnar sottascripziuns

¹ Durant la sistida dals termins tenor l'artitgel 1 vala:

- a) i na dastgan vegnir rimnadas naginas sottascripziuns;
- b) i na dastgan vegnir messas a disposiziun naginas glistas da sottascripziuns.

Art. 4 Attestaziuns dal dretg da votar

¹ Las vischnancas procuran per in deposit segir da las glistas da sottascripziuns gia inoltradas.

² Durant la sistida dals termins na prendan ellas en consegna naginas glistas da sottascripziuns.

Art. 5 Iniziativas dal pievel e referendums sin plaun communal, en las corporaziuns da vischnancas ed en las regiuns

¹ Las disposiziuns davart la sistida dals termins tenor ils artitgels 1 fin 4 valan conform al senn per las iniziativas dal pievel e per ils referendums sin plaun communal, en las corporaziuns da vischnancas ed en las regiuns.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa ordinaziun entra en vigur cun la publicaziun en la Collecziun uffiziala da leschas e vala fin ils 31 da matg 2020.